

ESTASYON 2

Eksplòre Lanati

OBJEKTIF

Ankouraje timoun aprann plis sou Syans, Matematik ansanm ak lòt konpetans, lè yo eksplòre kwasans ak devlopman apati yon grenn semans rive nan yon plant. Motive fanmi yo pou yo eksplòre lanati epi itilize moman sa a pou anseye timoun yo.



ESTANDA APRANTISAJ BONÈ AK DEVLOPMANTAL FLORIDA (FLORIDA EARLY LEARNING & DEVELOPMENTAL STANDARDS)

- Li dwe montre itilizasyon gwo misk pou mouvman, pozisyon, fòs ak kowòdinasyon
- Li konekte mo, fraz ak ekspresyon pou kreye lide
- Li pale epi yo konprann li lè l ap pale
- Li montre li konprann liv yo li awot vwa
- Li montre li gen konesans ki gen pou wè ak bagay ki vivan ak anviwònman yo
- Li montre li konprann ki relasyon ki genyen ant moun, objè *vivan/pa vivan) nan anviwònman yo
- Li kontinye patisipe nan aktivite mouvman endividyèl ak an gwoup pou ekspri epi reprezante lide, obsèvasyon, imajinasyon, santiman, eksperyans ak konesans

1. ENTWODIKSYON YO (5 minit)

Entwoudui tèt ou ak Kanpay MDGLR lan. Pale sou Inisyativ **READY, Set, Go Miami!** an epi misyon atelye travay patikile sa a. Envite moun prezante tèt yo, kite yo di kimoun yo ye ak ki laj pitit yo lakay yo genyen.

2. MESAJ KLE YO (5 minit)

Mande paran yo kijan yo panse sa konekte ak devlopman alfabetizasyon bonè pou timoun piti. Gide yo nan mwen tankou:

- Motive timoun pou eksplòre lanati ede yo eksplòre ak sans yo: touche, vizyon, sant ak son.
- Lè nou kite timoun nou yo ede nou avèk plant, yo ap aprann konsèp sikl de vi ak kijan tout bagay gen yon sezon ak yon faz nan devlopman yo.
- Nou ka ranfòse konsèp matematik yo deyò lè nou konte objè tankou wòch, fèy ak kay ou, epitou lè nou sèvi ak mo espasyal tankou gwo, piti, won, rektangilè, elatriye.

3. BRIZ-GLAS (5 minit)

Itiize tan sa a pou paran ak moun ki ap okipe timoun kapab fè konesans ak gwoup la, lè yo poze kesyon ki anba la yo.

- Èske pitit ou renmen jwe deyò?
- Ki kalite aktivite ou konn fè ansanm deyò?
- Èske pitit ou enterese nan plant oswa nan lòt bagay tankou wòch ak fèy

4. AKTIVITE (30 minit)

Itilize gid la nan paj ki annapre yo pou fasilite aktivite “Eksplorasyon Lanati” yo.

Matryèl ki pa Obligatwa

Semans, fèy, flè reyèl, ki te nan jaden oswa tou pre nan zòn deyò oubyen jwèt ki reprezante aktivite

- Flè
- Fèy
- Baton
- Itilize yon kopi papyè yon liv oswa, YouTube: [The Tiny Seed by Eric Carle](#)

Lòt videyo ki sijere:

- YouTube: [Life Cycle of Plants | Science Game and Lesson Plan](#)
- YouTube: [Farmer Plants the Seeds | Kids Song | Song Lyrics | Nursery Rhymes | Farming](#)



Sèvi ak ecard.mdpls.org pou jwenn kat bibliyotèk ou an pou jwenn aksè nan ebooks (liv elektwonik), CD, DVD ak liv odyo. Pa gen okenn frè ni chaj.



Jwenn aksè a resous ki annapre yo pou ebooks:

- Liv anliy Sistèm Bibliyotèk Piblik Miami Dade (Miami-Dade Public Library System)
- Aplikasyon (app) HOOPLA ak Access 360 pou ebooks
- Aplikasyon (app) NABU Press pou anpil liv an Kreyòl Ayisyen



Itilize yon aparèy kominikasyon ak ekspresyon “the tiny seed” pou fè bri chak fwa imaj ti grenn semans lan parèt nan liv la. YouTube: [AAC Strategies at Home - How to use communication devices at home](#)



Li posib pou prete teknoloji ki bay asistans ak aparèy pou kominike gratis nan Bibliyotèk Step Up AT Lending Library la nan faast.org/stepup



Ou ka sèvi ak yon objè ki gen fòm yon flè pandan lekti istwa a (itilize pat a modle (playdough), matryèl ki ka plwaye - Wikki Stix oswa netwa-pip, kouto pou koupe pat koukiz yo oubyen yon flè oswa yon plant sou yon fon papyè blan oswa nwa pou kreye yon kontras, elatriye). *Se yon fason pou angaje sans touche pou nenpòt timoun ak pou timoun yo ki gen yon andikap vizyèl*



Pou timoun ki poko gen kapasite pou kominike vèbalman oswa ki ap aprann anglè, ou ka fokis sou jès men epi ankouraje pitit ou ekspriye tèt yo atravè mouvman yo fè ak kò yo tankou pou imite mouvman yo grenn semans lan k ap pase pa tout diferan etap nan istwa a.

AKTIVITE KI KLASE DAPRÈ LAJ

0-12 MWA

Mande pitit ou eksplòre diferan tip plant.

- Otorize yo pou yo manyen epi santi diferan tip fèy, flè, plant ak lòt eleman nan lanati.
- Asire w timoun piti pa mete anyen nan bouch yo, egzanp, fèy ki ka gen pwazon oswa grenn semans ki kapab fè yo toufe.

Jwe rim la, YouTube: [“Brown Bear, Brown Bear, What Do You See?” | David Glenn](#)

TIMOUN KI GEN ANT 1NAN AK 3 LANE



Chante chante ki gen pou wè ak lanati, grenn semans ak plant.

- YouTube: [Papiyon volé](#) (Haitian Creole song)
- YouTube: [Music video for kids! THE SEED Song by La Totuga](#) (English song)
- YouTube: La semilla - [Biología y ciencias para niños 123 Andrés Ganador Latin Grammy - Canción de primavera](#) or [La Totuga Music \(Canciones con el nombre de tu hij@\) - “Semillas en tu corazón”](#) (Spanish songs)

Anndan:

- Montre liv la epi nonmen atik yo nan chak paj pou ede bati vokabilè timoun yo epi aprann sou pèsonaj yo.
- Aprè ou fin tande istwa a, envite pitit ou a vire tankou chante ki nan videyo YouTube la. Sèvi ak kò ou pou kreye mouvman yo nan diferan etap sik lavi plant lan.

Nan lanati:

- Sèvi ak yon pèl oswa ak yon vye kiyè epi enpe tè epi kite timoun lan jwe nan latè deyò a.
- Fè yon pwòmnan nan lanati epi kolekte diferan tip plant deyò a. Rakonte sa ou wè epi poze pitit ou kesyon, tankou:
 - Èske ou santi van an sou po ou?
 - Kisa ou tande? (koutè van an nan pyebwa yo, fèy yo, tondèz gazon an, machin, elatriye.)
 - Ramase fèy epi diskite diferans nan jan santi yo.
 - Pale sou meteyo.
- Plante yon ti semans epi gade li grandi avèk pitit ou an. (Egzanp, YouTube: [Fun Science Experiments For Kids - Growing a Bean Plant.](#))



Poze kesyon epi montre diferans koulè, fòm, teksti, gwozè epi etabli koneksyon an kijan sa aplikab pou moun tou.

- Prezante konsèp la ke plant se bagay ki vivan. Montre pitit ou an yon wòch epi konpare li ak yon flè, yon pyebwa konpare ak yon wòch, elatriye. ansanm ak pitit ou an, dekri objè yo pi byen ou kapab.

TIMOUN KI GEN ANT 3 AK 5 LANE

Li oswa pale sou imaj yo ki nan istwa a ak pitit ou an.

- Pale osijè imaj yo ogmante konpreyansyon yon timoun epi ede devlope vokabilè li.
- Sa yo se fondasyon ki nesèsè pou kapab aprann li pi devan.

Poze kesyon osijè istwa a, tankou:

- Kisa ou wè sou paj la?
- Kisa grenn semans lan ap fè?
- Kisa ou panse ki pral rive apre sa?
- Konbyen ___ èske ou ka konte?
- Èske ou kapab montre mwen plant la?
- Kisa ou renmen nan paj sa a?

Poze epi reponn kesyon se yon konpetans enpòtan ki ogmante konpreyansyon lè timoun lan ap fè lekti.

Diskite sou fason plant ede nou nan lavi toulejou nou. Egzanp, ou gendwa mande:

- Kijan plant yo kenbe nou fre lè tanperati a cho?
- Ki fason ki genyen pou ou montre plant yo ke ou renmen yo?
- Kijan ou kapab okipe plant yo?
- Kijan plant yo ede nou?
- Kimoun ki deja okipe yon plant?
- Poukisa plant yo enpòtan?
- Plant yo bannou manje tankou fwi ak legim.

Diskite sekans evènman yo nan istwa sa a, tankou:

- Kisa ti grenn semans lan te fè anpremye?
- Kisa ki pase apre yo plante gree semans lan?
- Kisa ki pase apre ou fin bay yon plant dlo?

Pale sou tout bagay ki nesèsè pou ede plant pouse.

- Kisa plant yo bezwen pou grandi?
- Poukisa tè ak dlo enpòtan?
- Poukisa solèy la enpòtan?
- Poukisa dlo enpòtan?
- Kijan nou kapab ede plant yo pouse?
- Kijan solèy la ede plant yo pouse?
- Kijan plant yo chanje pandan yo ap grandi?

5. RAPÒ / FIKSE OBJEKTIF (5 minit)

Bay moun ki ap okipe timoun yo yon opòtinite pou reflechi sou sa yo aprann ak sa yo ta renmen eseye lakay yo, dapre atelye travay la. Bay patisipan yo opòtinite pou yo enskri nan The Children's Trust Book Club epi pran enfòmasyon lòt resous nan Konte Miami-Dade. Powerpoint pou estasyon an va gen kesyon refleksyon ak resous ki nan lis la.

6. SONDAJ (5 minit)

Bay moun ki ap okipe timoun yo lyen sondaj la (nan tchat la oswa kòmantè platfòm anliy la oswa ekri li sou yon tablo oubyen yon fèy papyè, si nou fas-a-fas). Patisipan yo kapab itilize telefòn yo pou ranpli l.